

## HIBRU

### JEPTA 1

- [Hi 1.1] Anij, ke elõñ wāween im elõñ mōttan an ba ñan ro jimmad ilo iien ko remootļok kōn ro ri kanaan,
- [2] Ilo jemļoken raan kein E ar ba ñan kōj kōn Nejin, eo E ar likūt E ri jolõt an men ko otemjej, im kōn Eo barāinwõt E kar kōmanman laļ ko;
- [3] Eo ej jatõltõl an aiboojoj eo An, im āinwõt E, im Eo ej jepak men otemjej kōn An in naan ekajoor, ke emõj An karreolok jerowiwu ko, E ar jijet i lañ i anbwijmaroñan Anij ļapļap;
- [4] Im āinwõt E ar bōk An jolõt etan emman jān enjeļ raņ, āindein E ar eutieļok jān er.
- [5] Bwe E ar ba ñan wōn iaan enjeļ ro ilo jabdewõt iien, Kwe nejiõ, rainin I ar keotak Eok ? Im bar juon Ña I naaj Jemen, im E naaj Nejiõ?
- [6] Im ke Ej bar kadeļõñ maanjeen ilo laļ, Ej ba, Im enjeļ raņ otemjej an Anij ren kabuñ ñan E.
- [7] Im kōn enjeļ ro, Ej ba, Eo ej kōmman enjeļ ro bwe ren jetõb, im ri jermal ro An bwe ren kijeek urur:
- [8] A kōn Nejin Ej ba, Am tūroon 0 Anij e indeeo im indeeo; im septer in wānõk e septer an aelõñ eo Aņ.
- [9] Kwaar yokwe kwōjarjar im Kwaar dike nana, innām Anij, aņ Anij, E ar kapit Eok kōn dān in kaņõņõņõ im eutieļ jān ro ippaņ.
- [10] Im, Kwe Irooj, ilo jinoin Kwaar likūt foundesõn an laļ, im lañ ko Kwaar kōmanman kōn peiõm:
- [11] Er re naaj jako; a Kwe, kwōj pād wõt: im er otemjej re naaj morļok āinwõt nuknuk ko;
- [12] Im āinwõt kopā Kwō naaj lemlemi āinwõt nuknuk, im naaj ukõt er: a Kwe, kwō ja āinwõt, im iio ko Aņ re jāmin jako.
- [13] A kōn wōn iaan enjeļ raņ E ar ba jabdewõt iien, Kwōn jijet i anbwijmaroñiõ mae iien I naaj likūt ro ri kōjdate Eok bwe ren eran niom?
- [14] Er otemjej, re jab jetõb ri jipañ ke, im jilkintok er bwe ren jermal ñan ro re naaj ri jolõt in lomoor?

### JEPTA 2

- [Hi 2.1] Kōn men iN, emman jen kaļapļok ad kōjparok men kein jaar roñjaki ñe je ab ellāļok jān er jabdewõt iien.
- [2] Bwe eļañne naan ko enjeļ raar ba re pen wõt, im ejimwe an ñaonāer kōn kōtrāe im kipiliia otemjej;
- [3] Ekōjkan jen ko, eļañne jej kejoole lomoor eļap āinwõt in? eo ke Irooj e ar ba mokta, ro rej roñjaki raar kapen ñan kōj;

- [4] Im Anij barāinwōt E ar kaṃool aer kōnnaan kōn kakō]Je ko im men in bwilōñ ko, im kōn maroñ ko rej kajju wāweir, im kōn letok Jetōb Kwōjarjar, ekkar ñan ankilaan.
- [5] Bwe E ar jab kairooj enje] raṇ ioon la] e naaj itok, eo kōm kōnono kake.
- [6] A juon, ilo juon jikin, e ar kōnnaan im ba, Ta armej bwe Kwōn ]ōmṇak kōn e, ak nejn armej bwe Kwōn lotok e?
- [7] Kwaar likūt e ettā jidik jān enje] raṇ, Kwaar naballin e kōn aiṃoojoj im nōbar, im Kwaar kairooj e ioon men ko peiōm raar kōmṇanṇAn;
- [8] Kwaar likūt men otemjej iuṃwin neen. Bwe kōn An likūt men otemjej iuṃwin, ejje]ok men eo ej pād im jab iuṃwin. A kiiō je jañin lo men ko otemjej eṃōj likūti iuṃwin.
- [9] A jej lo Jijej, eṃōj kōmṇan E ettā jidik jān enje] ro, kōn An eñtaan im mej, naballin E kōn aiṃoojoj im nōbar, bwe ilo jouj an Anij En edjoñ mej ñan armej otemjej.
- [10] Bwe e ar ekkar ñan E, eo men otemjej jān E, im men otemjej kōn E, ke Ej bōktok elōñ ro nejn ñan aiṃoojoj, bwe En koweppan kōn eñtaan ko, Ri Tōl in ]omṃor eo aer.
- [11] Bwe Eo ej kokwōjarjar er, im ro eṃōj An kokwōjarjar er, rej otemjej jān juon: kōn men iṇ E jab jook in ṇaetaer ro jaten,
- [12] Im E ba, I naaj kwa]ok etam ñan ro jatiō, ilo bwiljin eklejia I naaj al im nōbar Eok.
- [13] Im bar juon, I naaj lōke E. Im bar juon, Lo ña im ro nejiō Anij e ar letok ñan eō.
- [14] Innām bwe ro nejn rej ri bōk ṃōttan kanniōk im bōtōktōk, barāinwōt E ar bōk ṃōttan men kein; bwe kōn mej En kōkkure tepi] eo, kajoor in mej ippān;
- [15] Im bwe En kōt]ok er otemjej ro raar pād im mour iien otemjej ilo kaṃakoko kōn aer lō]ñōñ kōn mej.
- [16] Bwe eṃool, E jab jipañ enje] raṇ, a Ej jipañ ineen Ebrean.
- [17] Innām ej ekkar ñan E bwe En āinwōt ro jatin ilo men otemjej, bwe En pris e]ap e tūriamō im etiljek ilo men ko an Anij, bwe En ri Medek kōn jerōwiwi ko an armej raṇ.
- [18] Bwe kōn An eñtaan ke ar kapo E, ej maroñ in jipañ ro kapo er.

### JEPTA 3

- [Hi 3.1] Innām koṃeo, jatiō rokwōjarjar, ri bōk ṃōttan kūr jān lañ, koṃwin kō]mān]okjeṇ kōn Jijej, ri Jelōk im Pris e]ap, eo jej kwa]ok E;
- [2] Eo E ar tiljek ñan Eo e ar likūt E, im āinwōt Moses e ar tiljek ilo aolepen ṃweo iṃōn.
- [3] Bwe ar watōk E ekkar ñan aiṃoojoj e]ap jān aiṃoojoj eo an Moses, bwe eo e ar kalōk juon im, ej bōk nōbar e]ap jān ṃweo.
- [4] Bwe im otemjej armej rej kalōki; a Eo e ar kalōk men otemjej, E Anij.
- [5] Im Moses e ar tiljek ilo aolepen ṃweo iṃōn āinwōt ri korijer, bwe en kōnnaan kōn men ko naaj ba kaki tokālik;

- [6] A Kūraij āinwōt nejin ioon mweo imōn; im kōj mweo imōn, eļañņe jej dāpij wōt ad peran im kōmmejāje in kōjatdikdik eo ar e pen ñan jemļokōn.
- [7] Kōn men in, āinwōt Jetōb Kwōjarjar e ba, Rainin eļañņe komij roņjake ainikien,
- [8] Koṃwin jab kapen būruemi āinwōt ilo abjōk eo ilo raan in mālejoñ i āne jemaden,
- [9] Ijo ro jimṃami raar kapo Eō kōn mālejoñ Eō, im lo jermal ko Aō iumwin eñoul iiō.
- [10] Kōn men in I ar illu ippān epepen eo, im ba, Rej bōd iien otemjej ilo būrueir, im raar jaje ial ko Aō.
- [11] Innām I ar kanejnej ilo Aō illu, Re jāmin deļoņtok ilo Aō kakkije.
- [12] Koṃwin kōjparok kom, ro jatiō, im en jab ilo jabdewōt iaami bōro enana im jab tōmak, im eo ej ilok jān Anij emour:
- [13] A koṃwin kauwe doon raan otemjej ke re ba Rainin; bwe ejjeļok iaami en penļok kōn etao an jerowiwī:
- [14] Bwe kōj jej ri bōk mōttan Kūraij, eļañņe jej dāpij wōt adwōj lōke ñan jemļokōn āinwōt ilo jinoin:
- [15] Ke eṃōj ba, Rainin eļañņe komij roņjake ainikien, koṃwin jab kapen būruemi āinwōt ilo abjōk eo.
- [16] Bwe wōn raar abjōk E ke rej roņjake? e jab ro otemjej raar diwōjtok jān Ijpt kōn Moses ke?
- [17] Im ippān wōn ro E ar illu iumwin eñoul yio? e jab ippān ro raar jerowiwī, ro ānbwinneir raar buñ i āne jemaden ke?
- [18] Im ñan wōn ro E ar kanejnej bwe re jāmin deļoņ ilo An kakkije, a ñan ro raar jab pokake?
- [19] Im jej lo bwe raar ban deļoņ kōn aer jab tōmak.

#### JEPTA 4

- [Hi 4.1] Innām, ke eṃōj likūt ñan kōj kallimur in deļoņ ilowan kakkije eo An, jen mijak ñe ab jabdewōt iaami āinwōt likjab jān e.
- [2] Bwe eṃōj kwaļok naan eṃṃan ñan kōj im āinwōt kar ñan er: a naan eo raar roņjake, e ar jab kakajooror er kōn aer jab eṃroñ im tōmak e.
- [3] Bwe kōj, jaar tōmak, jej deļoņ ilowan kakkije eo, āinwōt E ar ba, Innām I ar kanejnej ilo Aō illu, bwe re jāmin deļoņtok ilowan kakkije eo Aō, meñe eṃōj An kajemļok jermal ko jān jinoin laļ.
- [4] Bwe ilo juon jikin E ar ba naan kein kōn raan kein ka jiljilimjuon, Im Anij e ar kakkije jān jermal ko An otemjej iumwin raan kein ka jiljilimjuon;
- [5] Im bar juon ilo jikin in, Re jāmin deļoņtok ilowan Aō kakkije.
- [6] Innām bwe ej pād wōt ñan jet bwe ren deļoņ ilowan, im ro, ar kwaļok naan eṃṃan naan er mokta, raar jab deļoņ kōn aer jab pokake,
- [7] Ej bar bakajjien raan eo, Rainin, Im ba kōn Devid, ālikin iien eto, (āinwōt eṃōj ba mokta), Rainin eļañņe komij roņjake ainikien, koṃwin jab kapen burnemi.
- [8] Bwe eļañņe Josua e ar kakkijeik er, E jāmin kar ba tokālik kōn bar juon raan.

- [9] Innām ej pād wōt kakkije maē ro doon Anij.
- [10] Bwe eo e ar deļoņ ilo kakkije eo an, eņōj an kakkije jān jermal ko an, āinwōt kar Anij jān ko An.
- [11] Innām jen kijejeto bwe jen deļoņ ilowan kakkije eo, ñe ab āindein jabdewōt armej e naaj buñ kōn an jab pokake āinwōt er.
- [12] Bwe naan in Anij ej mour im jermal wōt, im ekkañ jān jabdewōt jāje ruo mejan, im ej wie im bukwe an armej im jetōb, im mōkwōj ko im ņoņņoņmeej, im e mōkaj an kile ļōmņak ko im pepe ko an bōro.
- [13] Im ejjeļok men in kōmman e jab alikkar ñan E, a men otemjej re keelwaan im peļļok iṃaan mejan Eo ej pepeik kōj.
- [14] Innām bwe juon Pris ļapļap ipped, Eo e ar deblōk lañ ko, ekwe, Jijej Nejin Anij, jen dāpij wōt ad kwaļok E.
- [15] Bwe ad Pris eļap e jab juon ej ban tūriamokake mōjņo ko ad; a eņōj kapo E kōn men ko otemjej, āinwōt kōj, ijoke ejjeļok jerowiwī ippān.
- [16] Innām jen peran im kepaak ñan tūroon in jouj, bwe jen bōk tūriamokake, im lo jouj im jipañ ilo iien aikuj.

#### JEPTA 5

- [Hi 5.1] Bwe jabdewōt pris eļap jān armej, eņōj likūt e ñan armej ilo men ko an Anij, bwe en leļok joortak ko im men in katok ko kōn jerowiwī;
- [2] Eo ej maroņ in tūriamo im jouj ñan ro ri jaje im ro rej bōd kōn an make pād ilo mōjņo:
- [3] Im kōn men iņ, eņman bwe en katok kōn jerowiwī ko an armej, im āindein barāinwōt kōn ko an.
- [4] Im ejjeļok armej ej bōk jermal in eņman ñan e, eļañne Anij e jab kūr e, āinwōt Arōn.
- [5] Āindein Kūraj e ar jab make kaiboojoj E, im make likūt E pris eļap, a Eo e ar ba ñan E, Kwe Nejiō, rainin I ar keotak Eok:
- [6] Āinwōt Ej ba ilo bar juon jikin Kwe Pris eļap indeeo in āinwōt Melkisedek.
- [7] Eo, ilo iien eo E ar pād ilo wāween kanniōk ke E ar katok kōn jar ko im akweļap ko, im eļap An laņōj im jañ ñan Eo e ar maroņ in ļoņoņ E jān mej, im eņōj eņroņ E kōn an wōjake,
- [8] Meņe Nejin, E ar katak im pokake kōn men ko E ar eñtaan kaki;
- [9] Im ke eņōj koweppan E, Ej Ri Lōņoņ indeeo ñan ro otemjej rej pokake E;
- [10] Im Anij e ar ņaetan Pris eļap āinwōt Melkisedek.
- [11] Kōn eo elōñ naan ippa im e pen aō kameļeļeik kake kōn ami roñ jaņōņ.
- [12] Bwe ke, kōn iien eo, eņman koņwin ri kaki, ewor ami aikuj bwe ren katakin kom ta men ko mōkta an naan in Anij, im eņman ren naajdik kom kōn milik im jab kōn ekkan ko repen.
- [13] Bwe armej jabdewōt ej mōñā milik wōt, e jab minene ilo naan eņmaan; bwe e niñniñ.

[14] A ekkan ko repen rej ekkar ñan ro re rütto, aet, ñan ro kōn aer minene rej maroñ in jeļā kajjien eṃṃan im nana.

## JEPTA 6

[Hi 6.1] Kōn men in jen likūt katak kōn men ko mokta an Kūrai, im jibadbad ñan men in weepAn; jen jab bar kōṃṃan foundesōn kōn ukeļok jān jermal ko re mej, im kōn tōmak Anij,

[2] Im kōn katak in peptaij ko, im kōn likūt pein ioon, im kōn jerkakpeje an ro re mej, im kōn ekajet indeeo.

[3] Im je naaj kōṃṃan men in, eļañne Anij e naaj likūt e ñan kōj.

[4] Bwe kōn ro eṃōj kameramļok er, im raar edjoñ men in letok eo jān lañ, im raar ri bōk ṃōttan Jetōb Kwōjarjar,

[5] Im raar edjoñ naan eṃṃan an Anij, im kajoor ko an laļ e naaj itok,

[6] Eļañne rej buñ im ilok, ban bar kōkāāl er bwe ren ukeļok ippaer, kōn aer make bar debwāāl Nejin Anij, im kōṃṃan bwe armej ren kajjirerekake E ilo alikkar.

[7] Bwe āne ej jorome wōt eo ej itok makij ioon, im kaddeklōk kan in āne ñan ro rej lale, Anij ej kejeraaṃṃan e.

[8] A eļañne ej kaddeklōk kālōklōk ko im mar ko, rej likūt e im etal jān e, im e nañin men in kamātōr, im ilo jeṃļokōn re naaj tile.

[9] A kom, ro jitōnbōro, eṃōj kareel kōm bwe ej eṃṃanļok jān men in ñan kom, im men ko an lomoor ippemi, meñe āindein am ba:

[10] Bwe Anij e wānōk wōt, Im E jāmin meļokļok ami jermal im yokwe, eo kom ar kwaļok kōn etan, kōn ami jipañ ro reṃṃan mokta im kiiō.

[11] A kōm kōṃṃan bwe komwin otemjej niknikemi wōt juon ñan obrak in kōjatdikdik, aet, ñan jeṃļokōn:

[12] Bwe komwin jab jowan, a komwin ri kajjioñe ro rej bōk aer jolōt men in kallimur ko, kōn tōmak im kijenmej.

[13] Bwe ke Anij e ar kallimur ñan Ebrean, kōn An ban kanejnej kōn jabdewōt eļap jān E, E ar kanejnej kōn E make,

[14] Im ba, I naaj kanooj kejeraaṃṃan eok, im kanooj koorļok eok.

[15] Innām, ke eṃōj an kijenmej wōt e ar bōk men in kallimur eo.

[16] Bwe armej rej kanejnej kōn eo eļap jān er: im kanejnej in kaṃool ej kajemļok akwāāl otemjej.

[17] Kōn men in, ke Anij e kōṃṃan kaļapļok An kwaļok ñan ro ri jolōt in kallimur, bwe e pen pepe eo An, E ar kaṃool e kōn kanejnej:

[18] Bwe kōn ruo men ko repen otem pen, im Anij e ban riab kaki, kaperan ekajoor en pād ipped, kōjeo jaar ko bwe jen dāpij kōjatdikdik eo, eṃōj likūt e iṃaad;

[19] Im kōjatdikdik in ipped ej āinwōt añkō in ad, e pen im e jāmin ṃakūtūt, im ej deļoñ ilowan men eo ilo roñel nuknuk eo;

[20] Ijo, āinwōt ri ilok iṃaadļok, Jijej e ar deļoñ ie kōn kōj, ke eṃōj An erom Pris eļap indeeo im ļoor laajrak in Melkisedek.

JEPTA 7

- [Hi 7.1] Bwe e in, Melkisedek, kiñ in Selim, Pris an Anij Eutiejtata, eo e ar wõnmae Ebream ke ej jeplaak jãn an man kiñ ro, im jar e,
- [2] Ñan eo barainwõt Ebream e ar leļok juon mõttan joñoul in aolep (eo ej mokta, kõn ukõtõn naan in, Kiñ in kwõjarjar, innãm barainwõt Kiñ in Selim, eñin, Kiñ in aenõmman;
- [3] Ejjeļok jemen, ejjeļok jinen, ejjeļok naan in epepen, ejjeļok jinoin raan ko an, im ejjeļok jemļokõn an mour, a emõj liküt e ainwõt Nejin Anij), ej pãd wõt im pris iien otemej.
- [4] A komwin kõlmãnļokjen kõn armej in ie ļap en, ñan eo Ebream, petriark eo, e ar leļok juon mõttan joñoul mweiuk in rakim.
- [5] Im emool, ro nejin Livai, ro rej kabwe jermal in pris, emõj jiroñ er bwe ren bõk mõttan joñoul ko jãn armej ran, ekkar ñan kien, aet, jãn ro jeir im jatir, meñe bwidtin Ebream :
- [6] A eo, epepen eo an jab watõk e jãn er, e ar bõk mõttan joñoul ko jãn Ebream, im jare eo kallimur ko rej pãd ippãn.
- [7] Im re ban jumae naan in, juon eļap ej jare eo edik jãn e.
- [8] Im ijin, armej ro re naaj mej, rej bõk mõttan joñoul ko; a ijo juon e ar bõki, kõn eo emõj kõnnaan bwe e mour.
- [9] Im ainwõt ij maroñ in ba, Livai eo ej bõk mõttan joñoul ko, e ar leļok ilo Ebream;
- [10] Bwe e ar pãd ilo murin jemen ke Melkisedek e ar wõnmae e.
- [11] Innãm eļañne men in weppãn e ar kõn pris ro nejin Livai (bwe iumwier armej raar bõk kein eo), ewi tokjãn bwe bar juon pris e naaj waļok, Eo ej ainwõt Melkisedek, im jab watõk E ainwõt ro nejin Arõn?
- [12] Bwe ke emõj ukõt pris ro, emman barainwõt ukõt kien eo.
- [13] Bwe eo, emõj kõnono men kein kake, ej an bar juon bwij, im ejjeļok armej jãn e ar lale lokatok eo.
- [14] Bwe e alikkar, ad Irooj e ar waļok jãn Juda, im bwij eo Moses e ar jab ba bwe ren pris.
- [15] Im men in e kanooj alikkarļok eļañne bar juon pris ej waļok ainwõt Melkisedek,
- [16] Eo emõj liküt E pris jab kõn naan in kien ekkar ñan kanniõk, a kõn kajoor an mour indeeo:
- [17] Bwe ar kõnnaan kõn E, Kwe kwõj pris indeeo ainwõt Melkisedek.
- [18] Bwe emõj kõtļok kien mokta kõn an mõjņo im edik tokjãn
- [9] (Bwe kien eo e ar jab koweppan jabdewõt), im emõj kadeļoñ kõjatdikdik emmanļok, kõn eo jej ruwaakļok ñan Anij.
- [20] Im bwe ar jab liküt E pris im ejjeļok kanejnej (bwe emõj liküt er pris ro im ejjeļok kanejnej;
- [21] A E kõn kanejnej an Eo e ar ba kõn E, Irooj e ar kanejnej im E jãmin ukeļok kake, Kwe kwõj pris indeeo);
- [22] Kõn men in barainwõt Jijej ej ri kõjparok bujen emmanļok.
- [23] Im emool er raar pris relõñ, kõn ke mej ej böbrae aer pãd wõt:

- [24] A E in, kōn an pād indeeo, jermal in pris eo An e jāmin ukukōt.
- [25] Kōn men eo Ej maroñ in lōmōorer wōt ro rej kepaak ñan Anij kōn E, bwe Ej mour indeeo im akweļap ñan E kōn er.
- [26] Bwe pris eļap āinwōt E, ekkar ñan kōj, e kwōjarjar, ejjeļok moñ ippān, erre otem erre, emakeļok iaan jān ro ri jerōwiwi, im koutiej E jān lañ ko;
- [27] Eo ejjeļok aikuj ippān, āinwōt ippān pris ro reļap, bwe En katok mohta kōn jerōwiwi ko An, innām kōn ko an armej rañ: bwe eņōj An kaņōjļok men in ke E ar make katok kōn E.
- [28] Bwe kien eo ej likūt armej bwe ren pris, ro ewor mojnō ippaer; a naan in kanejnej eo, e ar itok ālikin kien, ej likūt Nejin bwe En pris, Eo eņōj koweppan E indeeo.

## JEPTA 8

- [Hi 8.1] Im men in e bōran men ko kōm kōnono kaki: Pris eļap im āinwōt ipped, Eo e ar jijet i anbwijmaroñan tūroon in Kajoor potata i lañ ko,
- [2] Ri Jermal an jikin kwōjarjar, im imōn kōppād eņool, eo Irooj e ar kalōk im jab armej.
- [3] Bwe likūt jabdewōt pris eļap bwe en katok kōn men in joortak im katok ko: innām eņman bwe en wor ippān armej in bwe En katok kake.
- [4] Ak eļañne E ar pād wōt i laļ, E jāmin kar pris, bwe ewor pris ro rej katok kōn men in katok ko ekkar ñan kien:
- [5] Ro rej jermal ñan men eo men in kajjioñe im anañin men ko i lañ, āinwōt Anij e ar jiroñ Moses ke e ar iten kōmanman imōn kōppād eo; innām Ej ba, Kwōn lale bwe kwōn kōmanman men otemjej āinwōt joñak eo eņōj kwaļok e ñan eok ilo toļ eo.
- [6] A kiiō E ar bōk jermal eņmanļok, bwe Ej barāinwōt Ri Kalaajrak an bujen eņmanļok, eo eņōj kapen e on kallimur remmanļok.
- [7] Bwe eļañne ejjeļok notaan bujen eo mohta, re jāmin kar pukot kein ka ruo.
- [8] Bwe ke E ar wanoketak ñan er, Ej ba, Lo raan ko re naaj itok, Irooj ej ba, ñe I naaj kōman bujen ekāāl ippān imōn Israel im ippān imōn Juda;
- [9] Jab āinwōt bujen eo I ar kōman e ippān ro jimmaer ilo raan eo ke I ar kabwijere peir bwe In tōl ļok er jān Ijipt; bwe raar jab pād wōt ilo bujen eo Aō, im I ar kajekdoon er, Irooj ej ba.
- [10] Bwe eņin bujen eo I naaj kōman ippān imōn Israel ālikin raan ko, Irooj ej ba; I naaj likūt kien ko Aō ilo aer ļoļātāt, im I naaj jeji ilo būrueir: im I naaj aer Anij, im re naaj ro doō:
- [11] Im re jāmin katakin jemdoon ak ro jeir im jāteir, im ba, Komwin jeļā Irooj; bwe er otemjej re naaj jeļā Eō, jān ediktata ñan eļaptata iaer.
- [12] Bwe I naaj tūriamokake aer jab wānōk, im I jāmin bar keememej jerōwiwi ko aer.
- [13] Ke Ej ba, Bujen ekāāl, E ar likūt eo mohta eņor. A men eo ej ijurwewe im moļok e nañin jako.

JEPTA 9

[Hi 9.1] A kien kabuñ ñan Anij ko, im jikin kwōjarjar ekkar ñan laḷ in, re kar ippān bujen mokta.

- [2] Bwe emōj kōmanman imōn kōppād eo imaan, im ilo e jikin ḷaam, tebōḷ, im bred in kaalikkar; im ṇaetan Jikin kwōjarjar.
- [3] Im ālikin roñel nuknuk, imōn kōppād eo ṇaetan Jikin kwōjarjar otem kwōjarjar;
- [4] Im ilo e senser kooḷ im tōptōp in bujen eo emōj kalibubu e kōn kooḷ im ilowan jāpe kooḷ nien manna, im jokoṇan Arōn, eo e ar nar, im dekā ko an bujen;
- [5] Im ioon, kerub ko an aiboojoj raar kallor jikin tūriamokake; men ko kōm ban kōnono im kameḷeḷeik kake ilo iien in.
- [6] Innām ke āindein repojak men kein, pris ro rej deḷoñ iien otemjej ilowan imōn kōppād imaan, im kōmman jermal in Anij.
- [7] A pris eḷap ej deḷoñ ilowan imōn kōppād kein ka ruo, im make iaan juon wōt alen ilo juon iiō, ewor bōtōktōk ippān, eo ej katok kake kōn e im kōn bōd ko an armej raṇ:
- [8] Jetōb Kwōjarjar ej kwaḷok men in, bwe deḷoñ ñan lowaan jikin kwōjarjar otem kwōjarjar e jañin alikkar, ke imōn kōppād mokta ej pād wōt;
- [9] Eo ej men in kōkkar iumwin iien kein; im ekkar ñan e rej leḷok men in joortak im katok ko re ban koweppan, ilo bōklōkōt, eo ej kōmman jermal in,
- [10] Er kein (ilo men in mōñā ko, im men in idaak, im elōñ men in kwaḷkoḷ) rej men in kaiñi ekkar ñan kanniōk, men ko emōj likūti ñan tōr eo iien kōkāāl.
- [11] A bwe Kūraj e ar itok pris eḷap ñan men ko remman re naaj itok, kōn imōn kōppād eḷapḷok im weppānḷok, jab kōmmane kōn pein armej, āinwōt ba, jab jān men in kōmanman in,
- [12] Im jab kōn bōtōktōkin goat ko im koon kau ko, a kōn bōtōktōkin make emōj An deḷoñ ilowan jikin kwōjarjar eo, im jibadek ḷomṇor indeeo.
- [13] Bwe eḷañne bōtōktōkin kau komaan ko im goat ko, im bwidej in upaaj in kau kokōrā, ke rej kabōtūktūk ro rebrijrij kake, raar kokwōjarjar ñan karreoik kanniōk:
- [14] Bōtōktōkin Kūraj, eo E kwōjarjar wōt im E ar make katok kōn E ñan Anij ilo Jetōb Kwōjarjar ej indeeo, e jāmin kanooj ḷapḷok an karreo ami bōklōkōt jān kōmman ko re mej bwe komwin jermal ñan Anij ājmour ke?
- [15] Im kōn men in E Ri Kalaajrak an bujen ekāāl, bwe kōn an juon emej ñan ḷomṇor jān jerowiwī ko kar kōmman iumwin bujen mokta, ro emōj kūr er ren bōk kallimur an jolōt e indeeo.
- [16] Bwe ijo testament ej pād ie, en emej eo e ar kōmmane.
- [17] Bwe e pen testament ñe emej armej; a ejjeḷok tokjān ke eo ej kōmmane ej mour.
- [18] Innām ar jab likūt bujen mokta im ejjeḷok bōtōktōk.
- [19] Bwe ke Moses e ar kaṇōjḷok an kōnono naan in kaiñi otemjej ñan armej raṇ ekkar ñan kien, e ar bōk bōtōktōkin koon kau ko im goat ko, kab dān, im kooḷan jiip ekilmir im hissōp, im e kabōtūktūk bok eo im armej otemjej,
- [20] Im ba, E in bōtōktōk in bujen eo Anij e ar kaiñi ñan kom.

- [21] Im e ar kabōtūktūk āindein kōn bōtōktōk eo, imōn kōppād im jāpe otemjej ilo jermal eo.
- [22] Im ilo kien eo, I nañin maroñ in ba, bwe rej karreo kōn bōtōktōk men ko otemjeļok, im eļañne ejjeļok katōrļok bōtōktōk innām ejjeļok jeorļok.
- [23] Innām emman bwe ren karreo men in kajjioñe ko an men ko i lañ kōn men kein, an men ko i lañ kōn men in katok ko remman jān men kein.
- [24] Bwe Kūraj e ar jab deļoñ ilowan jikin kwōjarjar, kōmmane kōn pā ko, men in kajjioñe eo emool, a ilowan lañ eo bwe En waļok imaan mejan Anij kōn kōj:
- [25] A jab bwe En make katok kōn E makij; āinwōt pris eļap ej deļoñ ilo jikin kwōjarjar iiō otemjej im bōtōktōk e jab an ippān;
- [26] Bwe eļañne āindein, innām emman bwe En kar eñtaan makij ālikin jinoin laļ: a kiiō juon wōt alen ilo jemļokōn iien ko, emōj kwaļok E bwe En jeorļok jerōwiwi kōn An katok kōn E make.
- [27] Im bwe emōj likūt ñan armej bwe ren mej im tokālik ej itok ekajet eo;
- [28] Innām Kūraj barāinwōt, ke emōj An katok kōn E juon wōt alen bwe En bōk ļok jerōwiwi ko an armej, E naaj weaaktok, alen kein ka ruo, ñan ro rej kattar E, im jepel jān jerōwiwi, ñan lomōor.

#### JEPTA 10

- [Hi 10.1] Bwe kien eo, ke ilowan anañin men ko re naaj itok, jab āinwōt, e ban koweeppan ro rej kepaaktok ñan e kōn men in katok ko rej katok kaki iiō otemjej.
- [2] Eļañne āindein, re jāmin kar kajemļok aer katok kōn men kein ke, bwe ro ri kabuñ ne emōj karreo er juon iien, ejjeļok aer bōklōkōt kōn jerōwiwi?
- [3] A ilo men in katok ko ewor keememej kōn jerōwiwi iiō otemjej.
- [4] Bwe bōtōktōkin kau koṃaan im goat ko e ban jeorļok jerōwiwi ko.
- [5] Kōn men in ke Ej deļoñtok ilo laļ E ba, Men in katok im men in joortak Kwaar jab kōṃaan, a ānbwin Kwaar kapojak ñan Eō;
- [6] Men in katok ko re iio rej tile im men in katok ko kōn jerōwiwi, re jab kabuñbūruōm:
- [7] Innām I ar ba, Lo emōj Aō itok (ilo Bok eo jeje kōn Ña) bwe In kōmanman ankil Aṃ, O Anij.
- [8] Mōkta, ke E ba, Men in katok ko im men in leļok ko, im men in katok ko re iio rej tile, im ko kōn jerōwiwi Kwō jab kōṃaan, im ar jab buñbūruōm kaki (men ko rej leļok ekkar ñan kein),
- [9] Innām E ar ba, Lo I moottok bwe In kōmanman ankil Aṃ. Ej bōk ļok eo mōkta, bwe En kapen eo kein ka ruo.
- [10] Ilo ankil eo emōj kokwōjarjar kōj, kōn leļok ānbwiniin Jijej Kūraj alen wōt juon.
- [11] Im pris otemjej rej jutak raan otemej im jermal ilo katok makij kōn men in katok ko wāween wōt juon, ko re ban jeorļok jerōwiwi:
- [12] A E, ke emōj An katok kōn juon men in katok kōn jerōwiwi ko indeeo, E ar jijet i anbwijmaroñan Anij;

- [13] Im jãn iien iņ Ej kattar iien kōmman ro ri kōjdate eran neen.
- [14] Bwe kōn juon men in katok E ar koweppan indeeo ro eņōj kokwōjarjar er.
- [15] Im Jetōb Kwōjarjar E ri kōnnaan ñan kōj: bwe ālikin An ba,
- [16] Eñin bujen eo I naaj kōmman ippaer ālikin raan ko, Irooj ej ba, I naaj likūt kien ko Aō ña ilo būrueir, im I naaj je er ilo ļoļātāt eo aer; innām Ej ba,
- [17] Im jerōwiwi im nana ko aer I jāmin bar keememej.
- [18] A ijo jeorļok kein ej pād ejjeļok bar juon men in katok kōn jerōwiwi ie.
- [19] Innām, ro jatiō, bwe jej peran in deļoņ ilowan jikin kwōjarjar eo kōn bōtōktōk in Jijej,
- [20] Ilo ial ekāāl im mour, eo E ar kokwōjarjar e ñan kōj, aet, deļoņ ilowan roņel nuknuk, eñin kanniōkin;
- [21] Im bwe juon adwōj pris eļap ioon iņōn Anij;
- [22] Jen ruwaakļok, im en mool būrued, im tōmak eo ad en pen wōt, im būrued ren bütūktūk jãn bōklōkōt enana; im ke eņōj kwaļe ānbwined kōn dān erreō,
- [23] Jen dāpij wōt kwaļok ar kōjatdikdik: bwe en jab maķūtķūt; bwe etiljek Eo e ar kallimur:
- [24] Im jen lale doon, im kōkatok doon ñan yokwe im jermal ko remman;
- [26] Im jen jab likūt ad kwelok im jar, āinwōt manit an jet, a jen kauwe doon im kaļapļok ad kōmman men iņ, bwe jej lo an raan eo epaaktok.
- [26] Bwe eļañņe jej jerōwiwi ke buñbūrued kake ālikin ad bōk jeļā mool, ejjeļok bar juon men in katok kōn jerōwiwi ej pād wōt,
- [27] A ewor kōljake im lōļņoņ kōn ekajet, im urur in kijeek e pen e naaj koķkure ro ri kōjdat.
- [28] Armej eo e ar kajekdoon kien Moses, e mej im re jab tūriamokake, kōn naan an ruo ak jilu ri kōnnaan:
- [29] Ekōjkan ami ļōmņak? en jab nañin ļapļok ke eñtaan naaj likūt ekkar ñan eo e ar juuri Nejin Anij iumwin neen, im watōk bōtōktōk in bujen eo eņōj an kokwōjarjar e kake, men eo enana, im e ar kōtrāe Jetōb in jouj?
- [30] Bwe je jeļā Eo e ar ba, Iden-oņe Aō, I naaj kwi. Im bar juon, Irooj e naaj ekajet ro doon.
- [31] Men in lōļņoņ, po ilo pein Anij emour.
- [32] A koņwin keememej raan ko remootļok, ke eņōj kamramļok kom, kom ar kijenmej ilo eñtaan ko reļap;
- [33] Jimattan, ke kom ar men in kaalwōjwōj kōn kajjirere im kakūtōtōik kom, im jimattan, ke kom ar kōmmao ippān ro āindein aer pād im eñtaan.
- [34] Bwe kom ar tūriamokake ro ri liāpe, im moņoņo ilo rakimi mweiuk ko mweiiemi, kōn ami jeļā bwe ñan kom ilo jikin emman, men ko ami remmanļok im re naaj pād wōt.
- [35] Innām koņwin jab joļok ami peran, eo eļap an jinōkjeej kake.
- [36] Bwe emman koņwin kijenmej bwe, moņen ami kōmanman ankilaan Anij, koņwin bōk men in kallimur eo.
- [37] Bwe jidik wōt iien, im Eo ej itok E naaj potok im jab rumwij.

- [38] A, Aõ rû wãnõk e naaj mour kõn tõmak, a eļañņe ej jenliklik, Aõ e jab buñbũruõ kake.
- [39] A kõjeo, je jab iaan ro rej jenliklik ñan kọkkure; a iaan ro rej tõmak ñan lọmọọreir.

#### JEPTA 11

[Hi 11.1] A tõmak ej ãinwõt lõke kõn men ko jej kõjatdikdik kõj kaki, im reel bũrued kõn men ko je jab loi.

- [2] Bwe ilo e elder raņ raar jibadek buñbuñ eo emman.
- [3] Kõn tõmak je jeļã bwe emõj kõmanman laļ ko kõn naan in Anij, innãm men ko jej loi ar jab kõman jãn men ko re alikkar.
- [4] Kõn tõmak Ebel e ar katok ñan Anij kõn men in katok emman jãn eo an Kein, kõn eo e ar jibadek kõnnaan kõn an wãnõk, bwe Anij e ar kõnnaan kõn joortak ko an; im ļeo emej ej kõnono kõn e ñan iien iņ.
- [5] Kõn tõmak emõj bõklõñļok Inok bwe en jab mej, im raar jab loe bwe Anij e ar bõklõñļok e: bwe mọkta jãn an wanlõñļok ar kõnnaan kõn e bwe e ar kabuñbũruen Anij:
- [6] Im, eļañņe ejjeļok tõmak, armej re ban kabuñbũruen; bwe eo ej itok ñan Anij, emman en tõmak kõn an Anij pãd, im kõn An leļok jinõkjeej ñan ro rej kapukõt E.
- [7] Kõn tõmak Noa, emõj an Anij kauwe e kõn men ko re jañin waļok, ilo an mijak Anij e ar kapojak wa eo ñan lọmọọren e im ro nukwin; kõn eo e ar liaakļok laļ, im jolõt kwõjarjar eo ekkar ñan tõmak.
- [8] Kõn tõmak Ebrean, ke emõj kũr e, e ar pokake bwe en diwõjļok ñan aelõñ eo e naaj an jolõt; im ej diwõjļok, im jaje ijo ej ilok ia ļok.
- [9] Kõn tõmak e ar ruwamãejet ilo ãne eo ãne in kallimur, ãinwõt ilo aelõñ e jab an, im jokwe ilo imõn kõppãd ko, ippãn Aisak im Jekõb, ro barãinwõt ri jolõt kõn men in kallimur eo:
- [10] Bwe e ar kõļjake jikin kwelok eo, ewor an foundesõn, im Anij e ar kalok im kõmanman e.
- [11] Kõn tõmak, Sera e ar bõk maroñ in keotak nejin ke emõj an lõļlap, bwe e ar watok etiljek Eo e ar kallimur;
- [12] Kõn men iņ barãinwõt jãn juon, im eo ebanban ãinwõt emej, ar keotak elõñ ãinwõt iju ko, im ãinwõt bok ko i parijet, je ban bwini.
- [13] Rein otemjej raar mej ilo tõmak, ke raar jañin bõk men in kallimur ko, a raar loi jãn etoļok, im yokyokwe er, im kwaļok kõn aer ruwamãejet im ri itoitak ioon laļ.
- [14] Bwe ro, ãindein aer ba, rej kwaļok alikkar bwe rej pukot aelõñ eo aer.
- [15] Im, emool, eļañņe raar keememej aelõñ eo raar itok jãn e, re naaj kar maroñ in jepļaakļok ñan e.
- [16] A kiiõ rej kõnaan tõpar aelõñ emman jãn eo, aet, aelõñ i lañ: kõn men iñ Anij e jab jook kõn er, kõn ñaetan aer Anij: bwe E ar kapojak jikin kwelok ñan er.
- [17] Kõn tõmak Ebrean, ke mãlejoñ e, e ar katok kõn Aisak, im eo e ar mõñõñõ in bõk kallimur ko, ej katok kõn juon wõt nejin e ar keotak:

- [18] Aet, eo emōj ba kōn e, Iniom re naaj waļok jān Aisak:
- [19] Bwe ej ļōmņak bwe Anij e maroñ in kejerkak e jān ro re mej, im e ar bar bōk e jān ijo ilo naan in kōkar.
- [20] Kōn tōmak Aisak e ar jare Jekōb im Iso kōn men ko re naaj itok.
- [21] Kōn tōmak Jekōb, ke ej mej, e ar jare ruo nejin Josep, im kabuñ ñan Anij ke ej jebat ioon jabōn jokoņan.
- [22] Kōn tōmak Josep, ke ej mej, e ar ba kōn an ro nejin Israel ilok, im leļok ñan er kien kōn di ko diin.
- [23] Kōn tōmak jemen im jinen Moses, ke emōj an ļotak, raar ŋooj e iumwin jilu allōñ, bwe rej lo e wūlio niñniñ eo; im re jab mijak kein kōn eo.
- [24] Kōn tōmak Moses, ke emōj an rūttoļok, ej abwin bwe ren likūt etan nejin kōrā eo nejin Pero:
- [25] Im ļōmņak bwe an eñtaan ippān ro doon Anij emņan jān mōņōņō ko an jerowiwī jidik iien;
- [26] Im ej watōk bwe kajjirere kōn Kūrai e aorōk jān mweiuk otemjej ilo Ijipt. Bwe ej ļōmņak kōn jinōkjeej eo.
- [27] Kōn tōmak e ar ilok jān Ijipt, im jab mijak illu an kiñ eo, bwe ej kijenmej āinwōt an lo Eo re ban lo E.
- [28] Kōn tōmak e ar lale kijoone eo, im wōtdikdik kōn bōtōktōk, bwe eo ri man maanje raņ en jab uññūr er.
- [2] Kōn tōmak raar etal eoļōpin lomaļo Ekilmir āinwōt ioon āne emōrā, im ro ri Ijipt ilo aer kajjioñe men in, raar maļoñ.
- [30] Kōn tōmak oror ko in Jediko raar buñ, ke emōj aer kōpool er iumwin jiljilimjuon raan.
- [31] Kōn tōmak kōrā ekijoñ eo etan Rehab, e ar jab mej ippān ro raar kipiliia, ālikin an bōk ro ri aroñroñ ilo aenōmņan.
- [32] Im ta eo I naaj bar ba? Bwe aō iien e naaj edik jān bwebwenato kōn Gideon, im Berak, im Samson, im Jepta; kōn Devid im Samuel im ro ri kanaan:
- [33] Ro kōn tōmak raar bōk anjō ioon aelōñ ko, raar kōmņan men in kwōjarjar ko, raar bōk men in kallimur ko, raar pinej loñin ļaiōñ ko,
- [34] Raar kune kajoor in kijeek, raar ko jān mejan jāje, ar kakajoor er jān aer mōjņo, raar peranļok ilo tariņae, raar kokōk jar an tariņae ko an ri aelōñ ko jet.
- [35] Kōrā raņ raar bōk nukwiir ro re mej kōn aer jerkakpeje: im bar jet eļap kaeñtaan er, im re jab kōņaan bōk kōtļok; bwe ren tōpar jerkakpeje eo emņanļok:
- [36] Im bar jet, ar mālejoñ er kōn kajjirere im deñļoke ko, aet, ki korak ko im prisōn:
- [37] Ar kade er kōn dekā, im bukwe er kōn jidpān, im kapo er, im man er kōn jāje: raar etetal im kōņak kilin jiip ko im goat ko; ilo jeraņōl im jorrāan im kōkkure,
- [38] (Im laļ ej patkake er), raar jebwābwe i āne jemaden ko im toļ ko im roñ ko ilo laļ.
- [39] Im rein otemjej, emōj kōnnaan ñan er kōn aer tōmak, raar jab bōk men in kallimur eo,
- [40] Im Anij e ar kapojak ñan kōj jabdewōt men eo emņan jān men ko aer, bwe ren jab weppān makeļok iaer jān kōj.

JEPTA 12

- [Hi 12.1] Innām bwe ri kōnnaan, āinwōt kōdɔ eɭap, rej kōpool kōj, jen barāinwōt joɭok men otemjej reddo, im jerowiwī eo e nañin kōpool kōj, im jen kijenmej im ettōr ilo iāekwōj eo eṃōj likūt e iṃaad,
- [2] Im jen jerɭok ñan Jijej, Ri tōl im Ri koweppan tōmak eo ad, Eo kōn lañlōñ ar likūt e iṃaan, E ar eñtaan ilo debwāāl, im kajekdoṃn jook eo, im E ar jijet i anbwijmaroñan tūroon an Anij.
- [3] Bwe koṃwin kōlmānɭokjen kōn Eo e ar kijenmej ilo an ro ri jerowiwī matōrtōr E, bwe koṃwin jab ṃōk im kijelɭok ilo būruemi.
- [4] Raar jañin katōrɭok bōtōktōkemi kōn ami kate kom im jumae jerowiwī:
- [5] Im kom ar meɭokɭok naan in kauwe eo ej ba ñan kom āinwōt ñan ro nejin, Nejiō, kwōn jab kajekdoṃn kaje an Irooj im jab kijelɭok ne Ej eṃok eok;
- [6] Bwe Irooj ej kajeik eo Ej yokwe e, im deñɭoke jabdewōt nejin Ej bōk e.
- [7] Eɭaññe komij pād ilo kaje, Anij ej kōṃṃan ñan kom āinwōt ñan ro nejin; bwe ewi nejin eo jemen e jab kajeik e?
- [8] A eɭaññe ejjelɭok kaje ippemi, eo ro otemjej rej bōk ṃōttan, innām komeo ejjelɭok jememi, im kom jab ro nejin.
- [9] Bar juon, E kar wor Jemed ro ri kajeik kōj, im jaar kabuñ ñan er: e jab eṃṃanɭok ke bwe jen kabuñ ñan Jemen jetōb raṃ, im mour?
- [10] Bwe eṃool raar kajeik kōj āinwōt aer pepe iuṃwin e iiet raan; a E bwe En jipañ kōj im bwe jen bōk ṃōttan kwōjarjar eo An.
- [11] Jabdewōt kaje, ilo iien iṃ e jab men in ṃōṃṃō, a men in būromōj; ijoke tokālik ej jebar leen kwōjarjar e aenōṃṃan ñan ro eṃōj kajeik er kake.
- [12] Kōn men iṃ koṃwin jepak pā ko rej toto, im bukwien ko re ṃōjṃo;
- [13] Im kōṃṃan ial ko rejṃwe ñan neōmi, bwe ro re kūrro ren jab jebwābwe, a eṃṃan kājmour er.
- [14] Koṃwin ɭoor ɭok aenōṃṃan ñan armej otemjej, im kwōjarjar, eo ejako ejjelɭok armej e naaj lo Irooj:
- [15] Im kanooj lale bwe ejjelɭok armej en likjab jān jouj an Anij; im bwe enjelɭok okran emeṃ waɭok im kejjorrāñ kom im elōñ re naaj ettoon kake;
- [16] Im bwe enjelɭok en ekijoñ ak armej enana, āinwōt Iso, eo e ar wiakake an ṃaanje kōn juon ṃōññā.
- [17] Bwe kom jelā ekōjkan tokālik, ke e ar kōṃnaan jolōt men in jeraaṃṃan eo, ar abwin e bwe e ar jab lo iien ukeɭok, meñe e ar kanooj kapukōt e im jañ.
- [18] Bwe kom ar jab itok ñan toɭ eo, rej maroñ in uññūre, im eo e ar urur kōn kijeek, ak ñan kilmeej im marok im lañ,
- [19] Im ñan jañ an jilel eo, ak ñan ainikien naan ko, eo ro raar roñjake, rej akweɭap bwe en jab bar kōnono kake ñan er:
- [20] Bwe raar ban bōk naan eo ar jiroñ er kake, Eɭaññe juon kidu ej uññūr toɭ eo, ren kade kōn dekā;
- [21] Im men ko raar weaaktok men in kalōɭñōñ er, innām Moses ej ba, Eɭap aō lōɭñōñ im wūdiddid:

- [22] A kom ar itok ñan toj Zaiõn, ñan jikin kweløk an Anij emour, Jerusalem i lañ, im ñan jar ko an enjeļ raņ relõñ jãn maroñ in bwini,
- [23] Im ñan aolepen jar im eklejia an maanje raņ, emõj jeje etaer ilo lañ, im ñan Anij Ri Ekajet aolepeir otemjeļøk, im ñan jetõb ro an rû wãnõk emõj koweppan er,
- [24] Im ñan Jijej Ri Kalaajrak kõn bujen ekãål, im ñan bõtõktõk in wõtdikdik eo ej kõnono emman jãn eo an Ebel.
- [25] Komwin lale mõk im jab abwin Eo ej kõnono. Bwe eļaññe ro raar abwin Eo e ar kauwe er ioon laļ, raar jab ko, e kanooj ļapļøk ar jãmin ko, eļaññe jej iløk jãn Eo ej kauwe jãn lañ:
- [26] Eo ainikien e ar kamakũtkũt laļ ilo iien eo: a kiiõ emõj An muri im ba, Bar juon alen I naaj kamakũtkũt jab laļ wõt, a barãinwõt lañ.
- [27] Im naan in, Bar juon alen, ej bakajjien kõn An kamakũtļøk men ko re makũtkũt, ãinwõt men ko re jab makũtkũt ren pãd wõt.
- [28] Kõn men eo bwe jej bõk aelõñ eo e ban makũtkũt, en wor jouj ipped, bwe jen jermal ñan Anij im kabuñbũruen kake kõn wõjake ekwõjarjar im mijak:
- [29] Bwe ar Anij e kijeek in kõkkure.

#### JEPTA 13

[Hi 13.1] En pãd wõt yokwe jemjein jemjaten.

- [2] Komwin jab meļøkļøk kõn keni ro ruwamãejet; bwe ilo aer kõmman men in, jet raar keni enjeļ raņ im jaje kajjieir.
- [3] Komwin keememej ro ri liãpe, ãinwõt eļaññe liãpe kom ippaer; im ro rej eñtaan bwe komeo komij pãd wõt ilo ãnbwinnemi.
- [4] Armej otemjej ren koutiej pãlele im en kwõjarjar jikin babu: bwe Anij e naaj ekajet ro ri ļõñ otemjeļøk.
- [5] Komwin jab arõk taļa; komwin jokwane kõn men ko ami: bwe E ar ba, I jãmin likũt eok, im I jãmin iløk jãn kwe indeeo.
- [6] Innãm jej maroñ in peran im ba, Irooj ej aõ Ri jipañ; I jãmin mijak: ta eo armej ren kõmman ñan eõ?
- [7] Komwin keememej ro raar ami ri tõl, im raar ba ñan kom naan in Anij; im komwin kajjioñe aer tõmak, ke komij kõļmãnļøkjeņ kõn tokjãn aer pãd im kõmman.
- [8] Jijej Kũraij ej ãinwõt juon inne im rainin, im indeeo.
- [9] Katak ko re kajju wãweir im bõd, ren jab kejebwãbweik kom; bwe emman eļaññe bõro e pen ilo jouj, im jab kõn men in mõñã ko, raar jab kakajooror ro raar jermal kaki.
- [10] Juon lokatok ipped, im ro rej jermal ilo imõn kõppãd eo, emõ aer mõñã jãn e.
- [11] Bwe ãnbwinnen kidu ko, pris eļap ej bõktok bõtõktõkier ña ilowan jikin kwõjarjar kõn jerõwiwi, rej tile ilikin jikin kõppãd.
- [12] Innãm barãinwõt Jijej, bwe En kokwõjarjar armej raņ kõn bõtõktõk eo An, E ar eñtaan ilikin jikin kweløk.
- [13] Kõn men in jen diwõjļøk ñan E ilikin jikin kõppãd, im bõk kinaak eo An.

- [14] Bwe ijin ejjelok ad jikin kwelok ej pād wōt, a jej kapukōt eo ej itok.
- [15] Innām kōn E, jen katok ñan Anij kōn wūjtak iien otemjej, eñin leen tied ko rej kwałok ñan etan.
- [16] A koṃwin jab mełokłok kōn kōṃanṃan eṃṃan im lełok ñan ro jet, bwe kōn men in katok ko āierwōt Anij ej buñbūruen.
- [17] Koṃwin pokake im kōttāik kom ñan ro rej tōl kom, bwe rej lale ami, āinwōt ro re naaj kwałok kōn aer kōṃṃan, bwe ren kwałok im lañlōñ im jab būromōj. Bwe men iṃ e jab men in kakajooror kom.
- [18] Koṃwin jar kōn kōm: bwe kōmij reel bwe eṃṃan bōklōkōt eo am, im kōm kōṃaan bwe am kōṃṃan en jīmwe ilo men ko otemjej.
- [19] Im e kanooj ļapłok aō akweļap ñan kom kōn men iṃ, bwe en ṃōkajłok aō jepļaaak ñan kom.
- [20] Im Anij in aenōṃṃan, Eo e ar bōktok jān ro re mej, Seperd eo eļap an jiiip ko, kōn bōtōktōkin bujen ej indeeo, aet, ad Irooj Jijej,
- [21] En koweppan kom ilo men ko reṃṃan otemjej ñan kōṃanṃan ankilaan, im En make jerbale ilo kōj men in kabuñbūruen ko iṃaan mejan, kōn Jijej Kūraij; ñan E en aiboojoj indeeo im indeeo. Amen.
- [22] A ij kauwe kom, ro jatiō, bwe koṃwin bōk naan in naan in eṃouk: bwe eṃōj aō jejewōj ñan kom kōn e iiet naan.
- [23] Koṃwin jeļā bwe ar kōtłok jated Timote; im eļaññe e naaj itok ṃōkaj, kōmro naaj lo kom.
- [24] Koṃwin yokyokwe ro otemjej rej tōl kom, im ro reṃṃan otemjelok. Ro ri Itali rej yokyokwe kom.  
Jouj en pād ippemi otemjej. Amen.